

衛

生

寶

鑑

衛生寶鑑卷之二

藥候求鑑

主不明則十二官危

癸丑春景城令張君年三十有餘身體豐肥精神康健飲食倍於常人太醫王彥實曰君肥盛如此若不預服涼藥恐生熱疾張君從之遂服三一承氣湯二兩下利三十餘行異日覺陰陰腹痛且不欲食上而无味心下痞滿精神困倦次添胸膈閉塞時作如刀割之痛稍多食則醋心腹脹不能消化以此告予予曰昔君康健飲啖如常血氣周流循其天度十二臟之相使各守所司神氣冲和身体太平君自戕賊冲氣敗亂而致病如此雖悔何及予遂以四君子湯甘溫之劑補脾安胃更加人參黃芪升麻升陽補氣戒以慎起居節飲食服之月餘胸中快利而痛止病氣雖去終不復舊矣永茂五旬中風而死靈蘭秘典云主不明則十二官危形乃

大傷以此養生則殃以為天下者其宗大危戒之戒之啓玄子云
心不明邪正一邪正一則損益不分損益不分則動之凶咎陷身
於羸瘠矣故形乃大傷夫主不明則委於左右委於左右則權勢
妄行權勢妄行則吏不奉法吏不奉法則人民失所而皆受枉曲
矣且民惟邦本亡國邦寧本不獲安國將何有宗廟之主安得不
至於傾危乎故曰戒之戒之張君安危不察損益不分妄加治療
以召其禍可痛也哉此既往不可咎後人當以此為明鑑

時氣傳染

總帥相公年近七旬戊午秋南征過揚州停厰萬餘口內選美色
室女近笄年者四置於左右予因曰總帥領十萬餘衆深入敵境
非細務也况年高氣弱凡事宜慎且新虜之人驚憂氣畜於內加
以飲食不節多致疾病近之則邪氣相搏其害為大總帥笑而不

答其副帥時亦在坐異日召予曰我自十三歲從征回有此事飽
經汝之言深可信矣至臘月中班師值大雪三月新掠人不禁凍
餒皆病頭疼咳嗽腹痛自利多致死亡者逮春正月至汴隨路多
以禮物來賀相公因痛飲數次遂病脉得沉細而弦三四動而一
止其證頭疼咳嗽自利腹痛與新虜人病無異其脉短澁其氣已
衰病已劇矣三日而卒邪氣害人其禍如此內經云乘年之虛遇
月之空失時之和因而感邪其氣至骨又曰避邪如避矢石錢仲
陽亦曰董門不可當穰穰嬰兒多生天弔驚風亦猶正氣尚弱不
能勝邪故也由是觀之聖賢之言信不誣矣

戒妄下

真定鈔庫官李提舉年踰四旬躰幹魁梧肌肉豐盛其僚友師君
告之曰肥人多風證君今如此恐後致中風搜風丸并桑推陳致

新化痰宜服之季從其言遂合一料每日服之至夜下五行如是
半月覺氣短而促至一月餘添怠惰嗜卧便白膿小便不禁足至
膝冷腰背沉痛飲食無味仍不欲食心胸痞滿時有躁熱健忘恍
惚不安凡二易醫皆無效因陳其由請予治之予曰孫真人云用
藥有所偏勝令人臟氣不平藥本攻疾無病不可餌平人穀入於
胃脉道乃行水入於經其血乃成水去則榮散穀消則衛亡榮散
衛亡神無所依君本身軀康強五臟安泰妄以小毒之劑日下數
行初服一日且推陳下行陳積已去又何推焉今飲食不為肌膚
水穀不能運化精微雖既五臟六腑週身百脉神將何依故氣短
而促者真氣損也怠惰嗜卧者脾氣衰也小便不禁者膀胱不藏
也便下膿血者胃氣下脫也足脡寒而逆者陽氣微也時有躁熱
心下虛痞者胃氣不能上榮也恍惚健忘者神明亂也金匱要畧

云不當下而強下之令人開腸洞泄便溺不禁而死前證所差非
天也君自取之治雖粗安促君命期矣李聞之驚恐汗浹於背尤
謂予曰妄下之過悔將何及雖然君當盡心救其失予以謂病勢
過半命將難痊固辭而退至秋疾甚作醫以奪命散下之躁熱喘
滿而死內經曰誅罰無過是謂大惑知李君者蓋內經所謂大惑
之人也衛生君子可不戒哉

輕易服藥戒

何秀才一女子病其父謂予曰年十三時五月間因傷冷粉腹中
作痛遂於市藥鋪中贖得神芎丸服之臍腹漸加冷疼時發時止
今踰七八年不已何也答曰古人云寒者熱之治寒以熱良醫不
能廢其繩墨而更其道也據所傷之物寒也所攻之藥亦寒也重
寒傷胃其為冷痛固難知哉凡人之脾胃喜溫而惡冷况女子幼

小血氣尚弱不任其寒故陽氣潛伏寒毒留連久而不除也治病必先求其本當用溫中養氣之藥以救前失服之月餘方愈嗚呼康子饋藥孔子拜而受之以未達不敢嘗此保生之重者也奈何常人命醫拱默而令切脉以謂能知病否且脉者人之血氣附行於經絡之間熱勝則脉疾寒勝則脉遲實則有力虛則無力至於所傷何物豈能別其形象乎醫者不可不審其病源而主家不可不說其病源如何氏女子不以病源告醫而求藥於市鋪發藥者亦不審其病源而以藥付之以致七八年之病皆脉此理也孫真人云未診先問最為有準東坡云只啻愈疾不啻困醫二公之語其有功於世大矣

妄投藥戒

高郎中家好收方書及得效藥方家人有病自為處治亦曾有效

中統庚申五月間第婦產未滿月食冷醃飯苦啗及新李數枚覺腹中痛太夫人以自合枚柳九七十九服之至夜痛尤甚恐藥力未遑又進五十九須臾間太吐且瀉其痛增極肢體漸冷口鼻氣亦冷急求醫療未至而卒後太夫人見予訴其由曰天命耶藥之過耶君試裁之予曰非難治也凡醫治病虛則補之實則瀉之此定法也人以血氣為本今新產血氣皆損胃氣虛弱不能腐熟生硬物故滿而痛也復以寒劑攻之又况夏月陰氣在內重寒相合是冷氣入腹使陰盛陽絕其死何疑難經曰實者瀉之虛者補之而益有餘如此死者醫殺之耳非天命也太夫人然其言噫曲禮謂醫不三世不服其藥其慎如此彼禍已往而不可咎後之用藥者當以此為戒之

丙辰秋楚立縣曹君次子二十七歲病四肢困倦躁熱自汗氣短
飲食減少咳嗽痰涎胸膈不利大便秘形容羸削一歲間更數醫
不愈或曰明醫不如福醫其處其醫雖不精方書不明脈候看證
極多治無不效人目之曰福醫諺云饒你讀得王叔和不如我見
過病家多頗有可信試命治之鑒至診其脈曰此病予飽譜矣治
之必效於肺腧各灸三七壯以即用枳實丸消痰導滯不數服大
便溏泄無度加腹痛食不進愈添困篤其子謂父曰病久瘦弱不
任其藥病劇遂卒冬予從軍回其父以告予予曰思內經云形氣
不足病氣不足此陰陽俱不足瀉之則重不足此陰陽俱竭血氣
皆盡五臟空虛筋骨髓枯老者絕滅壯者不復矣故曰不足補之
此其理也令嗣久病羸瘦乃形不足氣短促乃氣不足病潮作時
嗜卧四肢困倦頗言語乃氣血皆不足也補之惟恐不及復以水

毒之癘瀉之虛之愈虛損之又損不死何待賈君嘆息而共感其事略陳其理夫高醫愈疾先審歲時太壯不及之運察人之飲食服衣勇怯之殊病有虛實淺深在經在臟之別藥有君臣佐使大小奇偶之制治有緩急因用引用返正之則孫真人云凡為太醫必須誦甲乙素問黃帝鍼經明堂流注十二經三部九候五臟六腑表裏孔穴本草藥性仲景叔和諸部經方又須妙解五行陰陽精熟周易如此方可為太醫不爾則無目夜遊動致顛損正五音者必取師曠之律呂而後五音得以正為方負者以取公輸之規矩而後方負得以成五音方負特末技耳尚取精於其事者况醫者人之司命列於四科非五音方負之比不精於醫不通於脉不觀諸經本草賴以命通運達而號為福醫病家遂委命於庸人之手豈不痛哉噫醫者之福上於渠者也渠之福安能消病者之

惠焉世人不明此理而委命於福醫主於湯生喪命終不能悟此
惑之甚者也悲夫

衛生寶鑑卷之三終

衛生寶鑑卷之四

各方類集

予受學於東垣先生先生授以內經要奧仍授以制方之法

中書左丞董公彥明中統辛酉夏領軍政濟南時暑隆盛軍人飲冷多成痢疾又兼時氣流行左丞遣人來求醫於予遂以數藥付之至秋城陷矣公回謂予曰向所付藥服之多效其方君自製耶古方耶予曰有自制方有古方公曰君用藥如此可謂得醫之三昧矣以自制方及古方用之經驗者類而集之以濟人不亦善乎予遂允之凡古今名方親獲効者類以成書詳列于后

飲食自倍腸胃乃傷論

痺論云陰氣者靜則神藏躁則消亡飲食自倍腸胃乃傷謂食物

無務於多貴在能節所以保中和而遂順養也若貪多務飽飢寒
難消徒積暗傷以召疾患蓋食物飽甚耗氣非一或食不下而上
湧嘔吐以耗靈源或飲不消而作痰咯唾以耗神水大便頻數而
洩耗穀氣之化生洩便滑利而濁耗源泉之浸潤至於精清冷而
下漏汗淋瀝而外泄莫不由食物之過傷滋味之太厚如能節痛
意之食省爽口之味常不至於飽甚者即頓匕必無傷物匕皆為
益糟粕變化早晚洩便按時精華和凝上下津液含畜神藏內守
榮衛外固邪毒不能犯疾疢無由作故聖人立言垂教為養生之
大經也

食傷脾胃論

論曰人之生也由五穀之精化五味之備故能生形經曰味歸形
若傷於味亦能損形今飲食反過其節以至腸胃不能勝氣不及

化故傷焉經曰壯火食氣食少火壯火散氣少火生氣經論云
飲食自倍腸胃乃傷失四時之調養故能為人之病也經曰氣口
緊盛傷於食心胃滿而口無味口與氣口同氣口曰坤口乃脾之
候故胃傷而氣口緊盛大傷者有多少有輕重如氣口一盛得脉
六至則傷於厥陰乃傷之輕也枳朮丸之類主之氣口二盛脉得
七至則傷於少陰乃傷之重也雄黃聖餅子木香枳榔丸枳殼丸
之類主之氣口三盛脉得八至九至則傷太陰填裏悶亂則心胃
大痛備急丸神保丸消積丸之類主之元元欲吐則已谷呼食迷
風是也經曰上部有脉下部無脉其人當吐不吐者死爪齲散吐
之如不能吐則無治也經曰其高者因而越之在下者引而竭之
也

枳實丸治痞消食強胃

白朮 二兩

枳實 一兩 麩炒

右為末荷葉燒飯丸如梧子大每服五十九多用白湯下
無時用白朮者本意不取其食速化但久令人胃氣強實
復不傷也

橘皮枳實丸治老幼元氣虛弱飲食不消或臟腑不調心下痞悶

白朮 二兩

枳實 麩炒

橘皮 各一兩

右為末荷葉燒飯丸如桐子大每服五十九溫水送下食
遠夫內傷用藥之大法所貴服之強人胃氣令胃氣益厚
雖猛食多食重食而不傷此能用食藥者此藥久久益胃
氣令不復致傷

半夏枳朮丸治因冷食內傷

白朮 二兩

半夏 炮七次

枳實 麩炒各一兩

右為末荷葉裹燒飯為丸如桐子大每服五十九丸溫水送下食遠湯浸蒸餅丸亦可如食傷寒熱不調每服加上一二

木香枳木丸破滯氣消飲食開胃進食

白木 二兩

木香

枳實

剉炒各一兩

石為末荷葉燒飯丸如桐子大每服五十九丸溫水送下食遠

木香化滯湯治因憂氣食冷濕麪結於中脘腹皮底微痛心下痞滿不思飲食食之不散常上痞氣

半夏

一兩

草豆蔻

炙甘草

各半兩

柴胡

四錢

木香

橘皮

各三錢

枳實

剉炒一錢

當歸身

二錢

紅花

五分

右九味吹咀每服五錢水二盞生薑五片煎一觔去粗粕
熱服食遠忌生冷酒濕麪

丁香爛飯九治飲食所傷卒心胃痛

其松

縮砂仁

丁香皮

各三錢

甘草炙

二錢

京

三稜

炮一錢

香附子

半兩去毛

木香一錢

益智仁

三錢

丁香

廣茂

炮各一錢

右十味為末湯浸蒸餅九如簍豆大每服三十九白湯送
下細嚼燒生薑亦可無時

消滯九治一切所傷心腹痞滿刺痛積滯不消

黑牽牛

二兩炒末

五靈脂

炒

香附

炒各一兩

右為末醋糊九如小豆大每服三十九食後生薑湯下

黃芩九治一切酒食所傷心腹滿悶不快

雄黃 一兩 研

巴豆

五錢 去皮生用研爛入雄黃末

右件研勻入白麪三兩再同研勻滴水丸如桐子大每服
先煎漿水令沸下二十四丸煮二十沸入冷漿水內沉
冷一時下二九一日服盡二十四丸也加至微利為度用
浸桑生漿水下治脇下痃癖氣塊痛如神

木香 檳榔 九治一切氣滯心腹痞滿脇肋脹悶大小便結滯不快
利者並宜服之

木香

檳榔

青皮

去白

陳皮

去白

商殼

麩炒

廣茂

煨切

黃連

各一兩

黃蘗

去粗皮

香附

揀炒

大

黃

沙各三兩

黑牽牛

生取頭末四兩

右為末滴水丸如豌豆大每服三五十丸食後生薑湯送
下加至微利為度

上二黃丸治傷熱食痞悶元元欲吐煩亂不安

黃芩 二兩

黃連 一兩酒洗

枳實 數炒半兩

升麻

柴胡 各三錢

甘草 二錢

右六味為極細末湯浸蒸餅丸如棗豆大每服五七十九白湯下量所傷服之

消積集香丸治寒飲食所傷心腹滿悶疼痛及消散積聚痰癖氣塊久不愈宜服

木香

陳皮

青皮

三棱 炮

廣茂 炮

黑牽牛

白牽牛 炒

茴香

炒各半兩

巴豆

半兩不去皮用白米一握同炒米黑去

一右為末醋糊丸如桐子大每服七丸至十丸溫薑湯下無時以利為度忌生冷硬物

枳殼丸治中焦氣滯胸膈痞滿飲食遲化四肢困倦嘔逆惡心噯

服升降帶氣化宿食祛痰逐飲美進飲食

三稜炮

廣茂炮

黑牽牛炒洛三兩

白茯苓

去皮

白

木

青皮

各一兩半

陳皮

去白一兩二錢

木香

枳殼炒

半夏炮

枳實各一兩

右為末糊丸如桐子大每服五十九溫薑湯送下食後

開結妙功九治佛熱內盛痰癖堅積酒食積一切腸垢積滯癥瘕

積聚痰痛發作有時二焦壅滯二腸燥結或懊憹煩心不得眠

欬喘噦逆不得食兼為腫脹一切所傷心腹暴痛又能宣通氣

血消酒進食解積

三稜炮

神麴炒

川烏

一兩半去皮臍

大黃

各一兩同

末好醋半升熬成膏不破堅積不用膏

麥蘖炒

茴香炒

兩半夏

半兩

巴豆

兩箇破堅積用四箇

乾薑炮

棟

桂客二錢

牽牛 三兩 搗淨

右為末同煎膏和丸如小豆大生薑湯下十九至十五丸
或嚼生薑溫水送下亦得漸加二三十丸或心胃間稍寬
藥力緩性然即減丸數或取久積或破堅積初服十九次
服二十九丸每服加十九丸大便三五行後如常服少得食力
後更加取利

感應丸治虛中積冷氣弱有傷停積胃院不能傳化或因氣傷
因飢飽食飲酒過多心下堅滿兩脇脹痛心腹大痛霍亂吐瀉
大便頻數後重遲澁久痢赤白膿血稠雜米穀不化愈而復發
又治中酒嘔吐痰逆惡心喜噎頭旋胸膈痞滿四肢倦怠不欲
飲食不拘新久積冷並皆服之

南木香

肉豆蔻

丁香

各 兩半

乾薑 炮 一兩

巴豆七十箇去皮心膜研出油

杏仁百四十箇湯浸去皮

右四味為末外入百草霜二兩研與巴豆杏仁七味同
和勻用好蠟六兩溶化成汁以重絹濾去滓更以好酒一
升於銀石器內煮蠟數沸傾出待酒冷其蠟自浮於上取
蠟秤用春夏修合用清油一兩銚內熬令末散香熟次下
酒煮蠟四兩同化成汁就銚內乘熱拌和前項藥末秋冬
修合用清油一兩半同煎熟成汁和諸藥末成劑分作
小錠子油紙裹旋丸服之

備急丹治心腹百病卒痛如錐刺及脹滿下氣皆治之易老名獨
行丸脾胃論名備急大黃丸

川大黃末

乾薑末

巴豆

去皮心研去油用霜各等

右合和一处研勻煉蜜丸曰內料千百下如泥丸如小豆

大夜卧温水下一丸如下氣實者加一丸如卒病不計時
候婦人有胎不可服如所傷飲食在胸膈兀兀欲吐反復
悶亂一物瓜蒂散吐去之

瓜蒂散上部有脉下部無脉其人當吐不吐者死何謂下部無脉
此所謂木鬱也飲食過飽填塞胸中者太陰之分 內經曰氣
口反大於人迎三部食傷太陰故曰木鬱達之吐者是也

瓜蒂 赤小豆 等分

右二味為極細末每服一錢用溫漿水調下取吐為度若
不兩手尺脉絕無不宜便用此藥恐損元氣令人胃氣不
復若止是胸膈中窒塞悶亂不通以指探之如不得吐者
以物探去之得吐而已如食不去用此吐之

和實梔子大黃湯治大病差後傷食勞復

枳實 二箇 洗

枳實 二箇 洗

枳實 二箇 洗

右以清漿水三觔空煮退八分內枳實枳子煮取八分下
豉再煮五七沸去粗溫服覆令汗出若有宿食內大黃如
博棊子大五六枚同煎藥後則熱氣浮越以枳實枳子湯
以解之以其熱聚於胃上以苦吐之熱散於表以苦發之
食復則以苦下之食膏粱之物過多躁熱悶煩者亦宜服
之

金露丸治天行時病內傷冷物飲食心下痞悶

桔梗

大黃 一兩

枳實 五錢 炒

牽牛頭末 二升半

右四味為末燒飯丸如桐子大每服三十九食後溫水送
下如常服十九至二十九甚妙

飲傷脾胃論

神農本草云酒味苦甚辛大熱有毒主百邪毒行百藥通血脉厚腸胃潤皮膚又飲傷神損壽若耽嗜過度其酷熱之性撓擾於外沉注之軀淹滯於中百脉沸騰七神迷亂過傷之毒一發耗真之病百生故內經曰因而大飲則氣以逆肺痺寒熱喘而虛驚有積氣在胸中得之醉而使內也酒入於胃則絡脉滿而經脉虛脾主於胃行其津液者也陰氣者靜則神藏躁則消亡飲食自信腸胃乃傷蓋陰氣虛則陽氣入陽氣入則胃不和胃不和則精氣竭精氣竭則不營於四肢也若醉飽入房氣聚脾中不得散消氣與穀氣相搏熱盛於中故熱遍於身內熱而渴赤名曰熱厥凡涼消瘴仆擊偏枯痿厥氣滿發逆皆肥貴人膏粱之疾也古人惟麥蘖之麴釀黍而已為辛熱有毒猶嚴戒如此況今之醞造加以馬蘭元花烏頭巴豆大毒等藥以增氣味尤辛熱之餘烈也豈不傷中和

損精神涸榮衛竭天癸天人壽者也故近年中風虛勞消狂癆瘵癖積衄蟻臟毒下血者多有之大槩由朝醉夕醒耽樂為常而行之也古人云脾熱病則五臟危豈不信哉孔子云惟酒無量不及亂謂飲之無多而且自節則所以養精神而介眉壽也凡飲酒之際切宜慎之戒之也

飲傷脾胃方

夫酒者大熱有毒氣味俱陽乃無形之物也若傷之止當發散汗出則愈此最妙法也其次莫如利小便二者乃上下分消其濕何酒病之有今之酒病者乃服酒礮丸大熱之劑下之又有用牽牛大黃下之者是無形元氣受病反下有形陰血中誤甚矣酒性大熱已傷元氣而重複瀉之況亦損腎水真陰及有形陰血俱為不足如此則陰血愈虛真水愈窮陽毒之熱大旺反增其陰火是謂

元氣消亡七神何依折人長命不然則虛損之病成矣金匱要畧云酒疸下之久久為黑疸慎不可犯此戒不若用

葛花解醒湯今上下分消其濕

白豆蔻

縮砂

葛花

各半刀

乾生薑

神麴

分

澤瀉

白朮

各二升

人參

去黃

白茯苓

去皮

猪苓

去皮

橘皮

去白各一升半

木香

半升

蓮花青皮

分三

右十三味為極細末每服三錢用白湯調下但得微汗

出酒病去矣此蓋不得已而用之豈可恃賴此藥日日飲

之此方氣味辛辣偶因病酒而用之則不損元氣何者敵

酒病故也若賴此服之損人天年矣

法製生薑散治飲酒過多或生冷停滯吐逆惡心不欲飲食

生薑

十兩切作片用青鹽炒過用

真澄茄

二兩半

補少

仁

一兩半

白芷

一兩半

白茯苓

去皮一兩半

半

丁香

二兩

官桂

去皮一兩

青皮

去白一兩

皮

去白一兩

半夏

薑製一兩

白朮

一兩

甘草

葛根

半兩

右十四味為末每服一錢至二錢溫酒調下不拘時

藿香散溫脾胃化痰飲消宿食止嘔吐治胸膈痞悶腹脇脹痛短

氣噎悶欬嘔痰水噫醋吞酸噦逆惡心山嵐瘴氣

厚朴

薑製

半夏

泡

藿香

陳皮

去白

甘草

炙等分

右五味咬咀每服二錢水一觥生薑三片棗子一箇煎至

七分去粗溫服無時日三服

快氣湯治一切氣疾

縮砂仁 八兩

香附子 三十二兩

甘草 四兩

右為細末每服一錢鹽湯點下或咬咀入薑同煎名小降氣湯

五苓散去水利小便

澤瀉 二兩半

白朮

赤茯苓

猪苓 各一兩半

官桂 一兩

右為細末每服二錢熱湯調下不計時

大七香丸治脾胃虛冷心膈噎塞漸成膈氣脾泄瀉痢反胃嘔吐

香附子 二兩

麥蘖 一兩

丁香皮 三兩半

縮砂仁

藿香 各二兩半

甘松

烏藥 各六錢半

官桂

其

草

陳皮 各二兩半

右一味為末蜜丸彈子大每服一丸鹽酒鹽湯任嚼下忌

生冷肥膩物

小七香丸溫中快膈化積和氣治中酒嘔逆氣膈食噎茶酒食積

小兒疳氣

甘松

八兩

益智仁

六兩

香附子

丁香皮

升草

各十二兩

蓬朮

縮砂

各二兩

右為末餠餅為丸棗豆大每服二十九溫酒薑湯熱水任下

枳實湯治心下堅大如盤乃水飲所作

白朮

三兩

枳實

七枚

右以水一斗煎至三升分作三服腹中軟即稍減之對病增損

木香枳柳丸疎導三焦寬胸膈破痰逐飲快氣消食通潤大腸

木香

枳櫛

杏仁

去皮尖麩炒

枳殼

麩炒

青皮

去白各一兩

半夏麩

皂角

去皮酥炙

郁李仁

去皮各二兩

右八味為末別用皂角四兩用漿水一碗搓揉熬膏更入

熟蜜少許丸如桐子大每服五十九溫淡生薑湯送下食

後

導飲丸治風痰氣澁膈脘痞滿停飲不消頭目昏眩手足麻痺聲

重鼻塞神困多瞋志意不清常服去痰

三稜

炮

蓬朮

各三兩二錢

白朮

白茯苓

去皮

青皮

去白各一兩半

陳皮

去白一兩半

木香

枳櫛

枳實

麩炒

半夏各一兩

右十味為末麩糊丸如桐子大每服五十九溫生薑湯送

下食後漸加至百丸忌猪肉香麩等物

蠲飲枳實丸消痰逐飲導滯清膈

枳實

麩炒

半夏

湯洗

陳皮

去白各一兩

兩

黑牽牛

頭兩

右四味為末麩糊丸如桐子大每服五拾丸溫生薑湯送下食後

神應丸治因一切冷水及墮乳酪水所傷腹痛腸鳴米穀不化

巴豆

去殼

杏仁

去皮尖

乾薑

炮

百草霜

各半兩

丁

香

木香

各二錢


右六味先將黃蠟二兩用好醋煮浮瀝去粗將巴豆杏仁二味同炒黑烟盡研如泥餘四味為細末然後再將黃蠟上火春夏入小油半兩秋冬入小油八錢溶開入杏仁巴豆泥子內同攪旋七下四味末子於內研勻搓作錠子油紙裹了旋丸如芥子大用每服三五丸溫米飲湯送下

食前日三服大有神效

飲食自倍腸胃乃傷治驗

癸丑歲子隨王府承應至瓜州都地面住冬有博兒赤馬刺約年三旬有餘因獵得兔以火炙食之各人皆食一枚惟馬刺獨食一枚半抵暮至營極困倦渴飲潼乳斗餘是夜腹脹如鼓痰痛悶亂卧而欲起起而復卧欲吐不吐欲瀉不瀉手足無所措舉家驚慌請予治之具說飲食之由診其脉氣口大二倍於人迎乃確食傷太陰經之候也右手關脉又且有力蓋燒肉乾燥因而多食則致渴飲乾肉得潼乳之溫是以滂滿於腸胃腸胃乃傷非峻急之劑則不能去遂以備急九五粒覺腹中轉失氣欲利不利後投備急九五粒又與無憂散五錢須臾大吐又利十餘行皆物與清水相合而下約二斗餘腹中空快漸平氣調至平且以薄粥飲少少與

之三日後再以參朮之藥調其中氣七日而愈或曰用峻急之藥
汝家平日所戒今反用之何也予對曰理有當然不得不然內經
曰水穀入口則胃實而腸虛食下則腸實而胃虛更虛更實此腸
胃傳化之理也今飲食過節腸胃俱實胃氣不能腐熟脾氣不能
運化三焦之氣不能升降故成傷也大抵內傷之理傷之微者但
減食一二日所傷之物自得消化此良法也若傷之稍重者以藥
內消之傷之大重者以藥除下之痺論有云陰氣者靜則神藏躁
則消亡飲食自倍腸胃乃傷今因飲食太過使陰氣躁亂神不能
藏死在旦夕矣孟子云若藥不眩瞑厥疾弗瘳峻急之劑何不可
用之有或者然之



衛生寶鑑卷之五

名方類集

勞倦所傷虛中有寒

理中丸心肺在膈上為陽腎肝在膈下為陰此上下臟也脾胃屬土處在中州在五臟曰孤臟在三焦曰中焦因中焦治在中一有不調此丸專主故名曰理中丸人參味甘溫內經曰脾欲緩急食甘以緩之緩中益脾必以甘為主是以人參為君白朮味甘溫內經曰脾惡濕甘勝濕脾中有濕必以甘為助是以白朮為臣甘草味甘平內經曰五味所入甘先入脾上不足者以甘補之補中助脾必須甘劑是以甘草為佐乾薑味辛熱喜溫而惡寒者胃也寒則中焦不治內經曰寒淫所勝平以辛熱散寒溫胃必先辛劑是以乾薑為使脾胃居中病則邪氣上下左右無所不有故有諸加減焉。若臍下築者腎氣動也去白朮加

桂氣壅而不瀉則然然動也。白朮味甘補氣去白朮則氣易散。桂辛熱腎氣動者欲作奔豚也。必服辛熱以散之。故加桂以散。腎氣經曰以腎能泄奔豚氣故也。吐多者去白朮加生薑氣上逆者則吐多。白朮而壅非氣逆者之所宜。千金曰嘔家多服生薑此是嘔家聖藥。生薑辛散於是吐多者加之。下多者還用白朮氣泄而不收則下多。白朮壅補使正氣收而不下泄也。或曰溫勝則濡泄。白朮專除溫於是下多者加之。寒者加茯苓飲聚則悸。茯苓味甘滲泄利水是所宜也。渴欲得水者倍加。不津液不足則渴。白朮以補津液故加之。腹中痛者加人參。虛則痛。內經曰補可以去弱。即人參羊肉之屬是也。寒多者加乾薑以辛熱散寒也。腹滿者去白朮加附子。內經曰甘者令人中滿。白朮甘壅補於腹中滿者則去之。附子味辛熱氣壅

臂腹為之滿以熱勝寒以辛散病故加附子內經曰熱者寒之
寒者熱之此之謂也

人參

乾薑炮

甘草炙

白朮各等分

右為末煉蜜為丸如雞子黃大以沸湯數合研碎溫服之
日三服

建中湯內經曰肝生於左肺生於右心位在上腎處在下左右上
下四臟居焉脾者土也應中央處四臟之中州治中焦生有榮
衛通行津液一有不調則榮衛失所育津液失所行必以此湯
溫中益脾是以建中名之焉膠飴味甘溫甘草味甘平脾欲緩
急食甘以緩之建脾者必以甘為三故以膠飴為君而甘草為
臣桂辛熱散也潤也榮衛不足潤而散之芍藥味酸微寒收也
泄也津液不通收而行之是以桂芍藥為佐生薑味辛溫大棗

味甘溫胃者衛之源脾者榮之本黃帝鍼經云榮出中焦衛出上焦是也衛為陽不足者益之必以辛榮為陰不足者補之必以其辛相合脾胃建而榮衛通是以薑薑為使也或謂桂枝湯解表而芍藥數少建中湯溫裏而芍藥數多殊不知二者遠近之制皮膚之邪為近則制小其服也故桂枝湯芍藥相佐桂枝以發散非與建中同脾心腹之邪為遠則制大其服也故建中湯芍藥佐膠飴以建脾非與桂枝同用故內經曰近而奇偶制小其服遠而奇偶制大其服此之謂也嘔家不用此湯以味甜故也

芍藥

六兩

桂枝

甘草炙各二兩

大棗七箇去子

生薑

三斤切片

膠飴一升

右六味㕮咀以水七升煎至三升去粗入膠飴更上微火

令消溫服一升日三升

育氣湯通流百脉調暢脾元補中脘益氣海祛陰寒止腹痛進飲食大益臟虛疼痛

木香

丁香

藿香

人參

白朮

白茯苓

縮砂

白薑寇

萆澄茄

炙甘草

各半升

乾山

藥一升

陳橘皮

去白

青皮

各半

加白檀香

半升

右十四味為末每服一錢至二錢用木瓜湯調下空心食前鹽湯亦得

養胃進食丸治脾胃虛弱心腹脹滿面色痿黃肌肉消瘦怠惰嗜卧全不思食常服滋養脾胃進美飲食消痰逐飲辟風寒溫冷

邪氣

蒼朮

五升

神麴

一升

白茯苓

去皮二升

厚朴

大麥蘖炒 陳皮去白各一兩半 白朮二兩

人參 甘草炙各一兩

右九味為末水麵糊丸如桐子大每服三十九至五十九
食前溫薑湯送下粥飲亦得

寬中進食丸滋形氣喜飲食

猪苓去黑皮 半夏各七錢 草薢薢仁 五錢 神麴炒半

枳實四錢 橘紅三兩 白朮三錢 澤瀉三兩 白茯苓

去皮三錢 縮砂一兩半 甘草炙一錢半 大麥蘖炒一錢半

人參一錢 青皮一錢 乾生薑泡一錢 木香半錢

一方有枳榔一錢半合用

右十六味為末湯浸蒸餅為丸如桐子大每服三十九溫

米湯送下食前

和中丸治久病原上不能食而臟腑或秘或結或澀此皆胃滯之

所致也常服和中理氣消痰去濕厚腸胃進飲食

白朮 二升四錢

厚朴 薑製二升

陳皮 去白一升六錢

半夏 湯泡一升

枳榔 五錢

枳實 五錢

甘草 炙四錢

木香 二錢

右八味為末生薑自然汁浸蒸餅和丸如桐子大每服三

十丸溫水送下食遠服

安胃丸治寒邪傷胃溫中補氣安胃進食

白朮 五錢

乾薑 炮三錢

大麥蘖 炒五錢

陳皮 三錢

青皮 二錢

白茯苓 去皮二錢

縮砂 二錢

木香 二錢半

右八味為末湯浸蒸餅為丸如桐子大每服三十九溫水

送下食遠忌冷物

補中丸補脾虛調胃弱止瀉痢進飲食定痛

厚朴薑製一兩

甘草炙一兩

白茯苓去皮一兩

陳皮

去白 乾薑半兩炮

右五味為末煉蜜丸如櫻桃大每服一九白湯化下細嚼亦得空心食前

加減平胃散治脾胃不和

蒼朮八兩

厚朴

陳皮各五兩

甘草三兩

人參

茯苓各五兩

右為細末每服二錢水一觥入薑二片棗子三箇同煎至

七分去薑棗帶熱服空心食前或入鹽沸湯點服亦得

事亦散補脾胃治五噎五膈

枇杷葉去毛炙

薏苡仁炒

白茯苓

人參

細砂

各一兩

大腹子

隨風子

杜仲

石斛 藟

香藥

木香

沉香

丁香

陳皮 各三分

穀

藥

檳榔

五味子

白豈寇

青皮

桑白

皮 各半兩

白木 二兩

神麴

半夏麴 各一分

灸其

草 一兩半

右二十四味為細末每服三錢水一觔薑二片棗三箇同煎至七分溫服不拘時

白朮散治諸病煩渴津液內耗不問陰陽皆可服之大能止煩渴生津液

乾葛

二兩

白朮

人參

茯苓

去皮

甘草 炙

藟

香

木香 各一兩

右七味為粗末每服三錢水一觔半煎至一觔去粗溫服

不拘時

緩中丸治脾胃虛弱六脉拘急而指下虛食少而渴不止心下痞腹中或痛或腹中窄狹如繩束之急小便不利而急大便不調精神短少此藥專治大渴不止腹中急束而食減少神妙

自晒生薑

白茯苓

去皮

陳皮

各一兩去白

如脉弦急或腹中急甚加人參甘草各三錢

右為末煉蜜丸如棗子大每服一九細嚼白湯送下食前沉香鼈甲散治一切勞傷諸虛百損

乾蝎

二錢半

沉香

人參

木香

巴戟

牛

膝

黃芪

柴胡

白茯苓

荊芥

半夏

當歸

秦艽

各半兩

附子

官桂

鼈甲

各一兩

羌活

熟地黃

各七錢半

肉苁蓉

四兩

右十九味為細末每服二錢水一觔葱白二寸薑三片薑二箇同煎至七分去薑葱棗空心食前服

十華散補睇元氣調理脾胃風勞解二毒傷寒除腰膝疼痛療酒色衰憊霍亂吐利偏風頑麻痺痛脚氣注腫行步不得等證神效不可具述

附子炮去皮臍

桂心去皮

人參

白朮炒

黃耆

乾薑炮

青皮去白炒

羌活已上各一兩

五加皮一兩

煎一兩以水一椀同煮至水盡為

交去藥篋不用以五加皮切焙

右十味為粗末每服二三錢水一中觔薑三片棗二箇煎六分去滓溫服不拘時

沉香溫脾湯治脾胃虛冷心腹疼痛嘔吐惡心腹脇脹滿不思飲食四肢倦怠或泄瀉吐利

沉香

木香

丁香

附子

炮去皮臍

官桂

人參

縮砂

川薑

炮

白荳蔻

甘草

炙

白朮

各等分

右十一味為末每服三錢水一觥薑五片棗一箇煎至七分去滓熱服空心食前作粗末亦可

厚朴溫中湯治脾胃虛寒心腹脹滿及秋冬客寒犯胃時作疼痛或脾土已衰不能運化又加客寒聚為滿痛散以辛熱佐以苦甘以淡泄之氣溫胃和痛目止矣

厚朴

薑製

橘皮

去白各一兩

乾薑

七錢

甘草

炙

草

荳蔻

茯苓

去皮

木香

各半兩

右七味為粗末每服五錢七水二觥薑二片煎一觥去粗溫服食前忌一切冷物

雙和湯治虛勞養氣血

白芍藥 七兩半

當歸

黃芪

熟地黃

川芎

各三兩

甘草

官桂 各二兩二錢

右為細末每服二錢水一觔半薑三片棗一箇煎至六分空心食前服

小沉香丸和中順氣嗜食消痰又治痰及酒後乾嘔痰涎氣噎痞悶

甘草

二兩八錢炙

益智仁

一兩八錢

舶上丁香皮

三兩四錢

其松

一兩八錢去土

廣茂炮

縮砂

各四錢

沉香

六錢

香附子

一兩八錢去毛

右八味為末湯浸蒸餅丸如桐子大每服三十九至四十

丸食後薑湯送下或嚼亦得

木香分氣丸善治脾胃不和心腹脹滿脇肋膨脹胸膈注悶痰嗽
喘息乾嘔醋心咽喉不利飲食不化氣不宣暢並皆治之

木香

枳榔

青皮

陳皮

薑黃

乾生薑

當歸

白朮

玄胡索

廣茂炮

三稜炮

赤茯苓

苓去皮

肉苁蓉各等分

秋冬加丁香

右十三味為末白麴糊丸如桐子大每服三十九食後薑
湯下日三服忌馬齒莧生茄子

木香餅子快氣消食利胸膈化痰涎止宿酒痰嘔吐噦惡心

木香

官桂去皮

薑黃

香附炒去毛

香白芷

甘松去土

川芎

縮砂仁

已上各二兩

甘草

炙半兩

石九味為末水和捻成餅子每服十數餅細嚼薑湯送下

不拘時候

法製陳皮消食化氣寬利胸膈美進飲食

茴香炒

青鹽炒

甘草各二兩炙

乾生薑

烏梅肉半

兩

白檀二錢半

右六味為末外以陳皮半斤湯浸去白淨四兩切作細條
子用水一大椀煎藥末三兩同陳皮條子一處慢火煮候
陳皮極軟晒乾少時用乾藥末拌勻焙乾每服不拘多少
細嚼溫薑湯下不拘時

溫中益氣治驗

中書左丞相史公年六旬有七至元丁卯九月間因內傷自利數
行覺肢體沉重不思飲食嗜卧懶言語舌不知味腹中疼痛頭亦
痛而惡心醫以通聖散大作劑料服之覆以厚衣遂大汗繼前證
不除而反增劇易數醫四月餘不愈予被召至燕命予治之予診

視得六脉沉細而微弦不欲食食即嘔吐中氣不調滯於升降口
舌乾燥頭目眩昏肢體倦怠是脾冷而不欲起丞相素不飲酒肢
體本瘦又因內傷自利又復獲汗是重竭津液脾胃愈虛不能運
榮周身百脉故使然也非其率夫溫之劑則不能溫養其氣經云
脾欲緩急食甘以緩之又脾不足者以甘補之黃芪人參之甘補
脾緩中故以為君形不足者溫之以氣當歸華溫和血潤燥木香
辛溫升降滯氣生薑益智草豆蔻仁辛甘大熱以助中寒理其正
氣白朮炙甘草橘皮甘苦溫乃厚腸胃麥蘗麴寔腸胃助中神
麴辛熱導滯消食而為佐使也

右件咬咀一兩水煎服之嘔吐止飲食進越三日前證悉去在在
侍者曰前證雖去九日不大便如何予曰丞相年高氣弱利且
汗脾胃不足陽氣虧損津液不潤也豈敢以寒涼有毒之藥下之

仲景曰大發汗後小便數大便堅不可用承氣湯如此雖內結氣以蜜煎導之須臾去燥屎二十餘塊遂資腹中空快上下氣調又以前藥服之喜飲食但有所傷則以橘皮枳木丸消導之至月餘其病乃得平復丞相曰病既去矣當服河藥以防其復來予曰不然但慎言語節飲食不須服藥夫用藥如用刑民有罪則刑之身有疾則藥之無罪妄刑是謂虐民無病妄藥反傷正氣軍志有曰允當則歸服而舍之可也丞相悅而然之

參朮調中湯治內傷自利臍腹痛肢體倦不思食食即嘔嗜卧懶言足胕冷頭目昏

人參

黃芪 各五錢

當歸身

厚朴

薑製

益智仁

草薺薤

木香

白朮

甘草

炙

神曲 炒

麥蘖麵

橘皮

各三錢

右十二味剉如麻豆大每服一兩水二觔生薑三片煎至

一觔去滓溫服食前

勞倦所傷虛中有熱

金匱要畧云夫男子平人脈大者為勞極虛亦為勞男面色薄者主渴及亡血卒喘悸脈浮者裏虛也男子脈虛沉弦無力寒熱氣促裏急小便不利面色白時目眩兼衄少腹滿此為勞使之然勞之為病其脈浮大手足煩者夏劇秋冬瘥陰寒精自出酸軟不能行男子脈微弱而瀉為無子精清冷夫失精家少腹弦急陰頭寒目眩髮落脈極虛芤遲為清穀亡血失精也

桂枝加龍骨牡蠣湯治脈得諸乳動微緊男子失精女子夢交通

桂枝 去皮

芍藥 各三兩

甘草 二兩炙

龍骨

牡蠣 各三兩

右五味咬咀水七升生薑三四片大棗十二箇擘煎至三

升去粗分三服小品云脉浮汗者除桂加白薇附子各三分故曰二加龍骨湯

黃芪建中湯治諸虛不足或因勞傷過度或因病後不復

黃芪 官桂 各三兩 甘草 二兩 白芍藥 六兩

右四味為咬咀每服三錢水一觥半生薑三片棗一箇同煎至七分去粗入飴少許再煎令溶稍熱服空心食前。集驗云嘔者加生薑腹滿云飴棗加茯苓肺虛損補氣加半夏五兩為妙

人參黃芪散治虛勞客熱肌肉消瘦四肢倦怠五心煩熱咽乾頰赤心忪潮熱盜汗戒食嗽咳膿血胸脇不利

人參 法片 一兩 秦羌 茯苓 各二兩 知母 二兩半

桑白皮 一兩半 白梗 一兩 麥苑 一兩半 柴胡 二兩半

黃芪 三兩半

地骨皮 二兩

生地黄 二兩

半夏 湯泡七

赤芍藥 一兩半

天門冬 去心三兩

龜甲 三兩酒炙去殼

炙甘草 一兩半

右十六味為麤末每服三錢水一觔半煎七分去粗服食

遠

續斷湯治骨蒸熱勞傳尸瘦病潮熱煩躁喘嗽氣急身軀疼痛口乾盜汗神效方

生地黄

桑白皮 各五兩

續斷

紫苑

青竹茹

五味子

桔梗 各三兩

甘草 炙二兩

赤小豆 半升

右九味為麤末每服三錢水一觔半小麥五十粒煎至一

觔去粗溫服食後日三服兼治咳嗽唾膿血童男室女亦

可服

柴胡散治虛勞羸瘦面色痿黃四肢無力不思飲食夜多盜汗咳嗽不止

地骨皮 一兩半

柴胡

鼈甲 去裙襖炙

知母 各一兩

五味子 半兩

右五味為末每服二錢水一觔半烏梅兩箇青蒿五葉煎至一觔去粗溫服食後

秦艽鼈甲散治骨蒸壯熱肌肉消瘦唇紅頰赤氣薨四肢困倦夜有盜汗

柴胡

鼈甲 去裙襖炙九助者

地骨皮 各一兩

秦艽

當歸

知母 各半兩

右六味為粗末每服五錢水一觔青蒿五葉烏梅一箇煎至七分去粗溫服空心臨卧各一服

人參地骨皮散治臟中積冷榮中熱按之不足舉之有餘陰不足陽有餘之脉也

人參

地骨皮

柴胡

黃芪

生地黃

各一兩

知母

石膏

各一兩

茯苓

半兩

右咬咀八味每服一兩水二觔薑三片棗一枚煎至一觔

去粗細上溫服連夜煩服間服生精補虛地黃丸

地仙散治心臟積熱口乾或煩渴煩赤舌澀生津液兼治汗後餘熱

地骨皮

防風

各一兩

人參

甘草

各半兩

石四味為粗末每服三錢水一觔青蒿五七葉煎至七分

去粗溫服無時無青蒿用竹葉五七片

調中益氣湯治因飢飽勞役損傷脾胃元氣不足其脉弦或其緩

按之無力中指下時一瀉其証身軀沉重四肢困倦百鈴煩
胸滿短氣膈咽不通心煩不安耳鳴耳聾目有赤肉熱壅如火
視物昏花口中沃沫飲食失味忽肥忽瘦急情嗜卧溺色交赤
或清利而數或上飲下便或時殮泄中虛痛不思飲食

黃蘗一錢

人參

甘草炙

當歸

白朮

各半錢

白芍藥

柴胡

升麻三分

橘皮二分

五味子十五

右十味吹咀作一服水二觔煎至一觔去粗溫服食前

論曰內經云勞則氣耗熱則傷氣以黃蘗甘草之甘溫無為其以

白芍藥五味子之酸能收耗散之氣又曰勞者溫之損者溫之

以人參其溫補氣不足當歸辛溫補血不足故以為臣白朮橘

皮其苦溫除胃中客熱以養胃氣而為佐升麻柴胡苦平味之

薄者陰中之陽為脾胃之氣下溜上氣不足故從陰引陽以補

之又以行陽明之經為使也

當歸補血湯治肌熱躁熱口渴引飲目赤面紅晝夜不息其脉洪

大而虛重按全無內經曰脉虛則血虛血虛則發熱証象白虎

惟脉不長似為非也誤服白虎湯必危此病得之於飢困勞役

黃芪 一兩 當歸 二錢酒洗

右二味咬咀作一服水三觔煎至一觔去粗溫服食前

犀角紫荷車九治傳屍勞服三月必平復其餘勞証只數服便愈

此藥神效

紫荷車

一具兒孩兒胞衣是也米泔浸一宿洗淨焙乾用

鱉甲

醋炙

桔梗

去聲

胡黃連

芍藥

大黃

貝母 去心

臘茶

化心

龍膽草

黃藥子

知母

各二錢半

犀角

鎔末

薑

木

芒硝

各一錢半研

硃砂

二錢研

右十五味為末煉蜜丸如桐子大硃砂為衣每服二十丸
溫酒送下空心食前服之如膈熱食後服之凡病不過一
料

人參柴胡散治邪熱客於經絡肌熱痰嗽五心煩躁頭目昏痛夜
有盜汗此藥補和真氣解勞倦及婦人血熱虛勞骨蒸

人參

白朮

白茯苓

柴胡

甘草炙

半夏

麴

當歸

乾薑

赤芍藥各等分

右九味為末每服三錢水一觔薑四片棗二箇煎至八分
帶熱服不拘時候但是有勞熱証皆可服病退即止大抵
透肌解熱乾薑為君柴胡次之所以升麻葛根湯為解肌
之劑也

清神甘露丸治男子婦人虛勞病患不至大骨枯槁大肉陷下並

皆治之

生地黃汁

牛乳汁生用

白蓮藕汁各等分

右三味用砂石器內以文武火熬成膏子用和後藥

人參

白朮

黃連

胡黃連

五味子

黃

芪

各等分

右六味為末用煎膏子和丸桐子大每服三十九至五十丸煎人參湯送下不拘時

暑

雙和散治邪入經絡腫肌熱推陳致新解利傷寒時疫中喝伏

柴胡

甘草一兩

右為末每服二錢水一觔煎至八分食後熱服此藥冬月

可以潤肺止咳嗽除壅熱春夏可以禦傷寒時氣解暑

居常不可缺不以長幼皆可服之

四君子湯治榮衛氣虛

人參 甘草 茯苓 白朮

右等分為末每服二錢水一觥煎至七分通口服不拘時

猪肚丸治男子肌瘦氣弱咳嗽漸成勞瘵

牡蠣煨 白朮 各四兩 苦參 三兩

右三味為末以猪肚一箇煮爛熟剉研如膏和丸如桐子

大每服三十丸米飲湯送下日三四服此藥神效瘦者服

之即肥莫測其理

酸棗仁丸治膽經不足心經受熱精神昏憤恐畏多驚情志不寧

時有盜汗虛煩不眠朝瘧暮劇或發眩運

地榆 酸棗仁 炒各一兩 茯苓 菖蒲 人參 各

兩

丹砂

二錢

右六味為末水蜜麵糊丸如桐子大每服三五丸煎入參湯送下不拘時米飲湯亦得

定志丸治心氣不足

遠志

菖蒲各二兩

人參

白茯苓各三兩

右為末蜜丸桐子大硃砂為衣每服七丸加至二十九溫米湯下食後臨卧日三服

麥煎散治諸虛不足及新病暴虛津液不固脾常自汗夜卧即甚久而不止羸瘠枯瘦心忪驚惕短氣煩倦

牡蠣

黃芪

麻黃根

各等分

右三味為粗末每服三錢水一觥半小麥百餘粒煎至一觥去粗熱服不拘時日進三服

獨聖散治盜汗及虛汗不止

右以浮小麥不以多少文武火炒令焦為細末每服二錢米飲湯調下頻服為佳一法取陳小麥同乾棗煎服更妙

白朮

白芷

藥本

川芎

各等分

右四味搗為細末每末入米粉二兩用撲周身能止汗

虛中有熱治驗

臧

建康道按察副使奧屯周鄉子年二十有三至元戊寅三月間病發熱肌肉消瘦四肢困倦嗜卧盜汗大便溏多腸鳴不思飲食舌不知味懶言語時來時去約半載餘請予治之診其脉浮數按之無力正應王叔和浮脉歌云臟中積冷榮中熱欲得生精要補虛既灸中脘乃胃之紀也使引清氣上行肥腠理又灸氣海乃生發

元氣滋榮百脉長養肌肉又灸三里乃胃之合穴亦助胃氣散上熱使下於陰分以甘寒之劑瀉熱火佐以甘溫養其中氣又食粳米羊肉之類固其胃氣戒以慎言語節飲食懲忿窒欲病氣日減數月氣得平復逮二年肥盛倍常或曰世醫治虛勞病多用苦寒之劑君用甘寒之藥羊肉助發熱人皆忌之今食羊肉粳米之類請詳析之予曰內經云火位之主其瀉以甘藏氣法時論云心苦緩急食酸以收之以甘瀉之瀉熱補氣非甘寒不可若以苦寒以瀉其土使脾土愈虛火邪愈盛又云形不足者溫之以氣精不足者補之以味勞者溫之損者益之十劑云補可去弱人參羊肉之屬是也先師亦曰人參能補氣虛羊肉能補血虛虛損之病食羊肉之類何不可之有或者嘆曰潔古之學有自來矣

衛生寶鑑卷之六

除寒瀉熱門

○瀉熱門

上焦熱

涼膈散治大人小兒積熱煩躁多渴面熱唇焦咽燥舌腫喉閉目赤鼻衄頰頰結硬口舌生瘡謔語狂妄腸胃燥澀便溺閉結睡卧不安一切風壅皆治之

連翹

四兩

朴硝

二兩

川大黃

二兩

薄荷

黃芩

山梔子

甘草

炙各一兩

右七味為末每服三錢水一觥半竹葉五七片蜜少許煎至七分去粗溫服食後小兒半錢量歲數加減得利下止

後服

龍腦雞蘇丸治胸中鬱熱肺熱咳嗽吐血鼻衄血崩下血血淋涼

上膈虛勞煩熱

柴胡

二兩別同木通以沸湯大半升浸一兩稍絞汁後入膏

木通

二兩別同柴胡浸

阿膠

蒲黃

人參各二兩

麥門冬

四兩

黃芪

雞蘇淨葉

一斤即龍腦薄荷

甘草

一兩半

生乾地黃末

六兩後入膏

右為細末以蜜二斤先煉一二沸然後下生地黃末不住

手攪時上入絞下柴胡木通汁慢上熬成膏勿令焦然後

將其餘藥末同和為丸如豌豆大每服二十九丸熱水下

洗心散治心肺積熱風壅上攻頭目昏痛肩背拘急肢節煩疼口

苦唇焦咽喉腫痛痰涎壅滯涕唾稠粘小便赤澀大便秘滯

白朮

一兩半

麻黃

當歸

荆芥

芍藥

甘草

草

大黃

各六兩

右為細末每服二錢水一觔入生薑薄切少許同煎至七分溫服

中焦熱

調胃承氣湯治胃中實熱而不滿

甘草半兩 芒硝九錢 大黃二兩

內經云熱淫於內治以鹹寒佐以苦甘芒硝鹹寒以除熱大

黃苦寒以瀉實甘草甘平助二物推陳而致新

右剉如麻豆大水一大觔煎二味取之分去粗下硝更上

火二三沸頓服之無時

瀉脾散治脾熱目黃口不能吮乳

藿香 山梔各七錢 石膏半兩 甘草二兩 防風

四兩 去芦

右五味用蜜同炒香為末每服二錢至三錢水一觥煎至七分溫服清汁無時

貫衆散解一切諸熱毒或中食毒酒藥毒並皆治之

黃連三錢 貫衆三錢 甘草三錢 駱駝蓬三錢

右四味為末每服三錢冷水調下食前

下焦熱

大承氣湯治痞滿躁實地道不通

大黃四兩酒洗 厚朴半斤蜜製 芒硝三合 枳實五枚去

內經云燥淫所勝以苦下之大黃枳實之苦以除燥熱又

曰燥淫於內治以苦溫厚朴之苦以下結滿又曰熱淫所

勝治以鹹寒芒硝之鹹以攻蘊熱

右四味用水五升先煮二味至三升去粗內大黃煮取二

升去粗入芒硝更上火微煮一二沸分溫再服得下餘勿服

五才封髓丹降心火益腎水滋陰養血潤補下燥

天門冬 去心

熟地黃

人參 各半兩

黃蘗 三兩

砂

仁 一兩半

甘草 七錢半炙

右六味為末麪糊丸桐子大每服五十九錠參半兩切作片子酒一觥浸一宿次日煎三四沸去粗空心食前送下滋腎丸治下焦陰虛脚膝軟而無力陰汗陰夢足熱不能履地不渴而小便閉

肉桂 二錢

知母 二兩酒洗焙

黃蘗 二兩酒洗焙

內經曰熱者寒之又云腎惡燥急食辛以潤之黃蘗苦辛寒瀉熱補水潤燥為君知母苦寒以瀉腎火為佐肉桂辛

熱寒因熱用也

右為床熟米丸如雞頭實大每服一百丸加至二百丸百沸湯送下空心服之

氣分熱

柴胡飲子解一切肌骨蒸熱積熱作癰或寒熱往來畜熱寒戰交傷寒發汗不解或不經發汗傳受表裏俱熱口乾煩渴或表熱入裏外證未痊下後熱未除及汗後餘熱勞後或婦人經病不快產後但有如此証並宜服之

柴胡

人參

黃芩

甘草炙

大黃

當歸

芍藥

各半兩

右七味剉散每服四錢水一觥薑三片煎至六分去粗溫服小兒分三服病除為度日三服熱甚者加服

白虎湯治傷寒大汗出後表証已解心胸大煩渴欲飲水及吐或下後七八日邪毒不解熱結在裏表裏俱熱時上惡風大渴舌上乾燥而煩欲飲水數升者宜服之

知母七兩半

甘草三兩七錢半

石膏二十兩

右咬咀每服三錢水一觥半入粳米三十粒煎至一觥去粗溫服或加人參亦得此藥立夏後立秋前可服春時及立秋後亡血家並不可服

血熱分

桃仁承氣湯治熱結膀胱其人如狂熱在下焦與血相搏血下則熱隨出而愈

芒硝

甘草各二兩

大黃三兩

桂二兩去皮

桃

仁五十箇去尖

內經曰其以緩之辛以散之小腹急結緩以桃仁之其下
焦畜血散以桂枝之辛大熱之氣寒以治之熱甚搏血加
二味於調胃承氣湯中也

右五味用水七升煮取二升半去粗內芒硝更上火煮一
二沸溫服五合日三服得微利止

清涼四順飲子治一切火毒積熱壅滯咽喉腫痛

當歸

去芦

甘草

炙

赤芍藥

大黃

各等分

右咬咀每服一錢水平觥煎至七分去粗食後溫服
通治三焦甚熱之氣

三黃丸治三焦熱

黃連

黃芩

大黃

各等分

右為末煉蜜丸如桐子大每服三十九粒熱水吞下

黃連解毒湯治大熱甚煩錯語不得眠

黃連 七錢半

黃蘗

梔子 各半兩

黃芩 一兩

右四味剉散每服五錢水一觥半煎至一觥去滓熱服未
愈再服。海藏加防風連翹為金花丸治風熱加柴胡治
小兒潮熱與四物相合為各半湯治婦人潮熱

發狂辨

甲寅歲四月初予隨幹耳朶行至界河裏住醜厮兀闌病五七日
發狂亂棄衣而走呼叫不避親疎手執凔乳與人飲之時人皆言
風魔了巫師禱之不愈而反劇

上聞命予治之脉得六至數日不得大便渴飲凔乳予思之北地
高寒腠理緻密九有病傷寒者然北地此時乍寒乍熱因此觸胃
寒邪失於解利因轉屬陽明證胃實譫語又食羊肉以助其熱兩

熱相合是謂重陽狂陽勝宜下急以大承氣湯一兩半加黃連二錢水煎服之是夜下利數行燥屎二十餘塊得汗而解翌日再往視之身涼脉靜衆人皆喜曰羅謙甫醫可風魔的也由此見用傷寒非雜病之比六經不同傳變各異診之而疑不知病源互相侮嫉嗚呼嗜利貪名耻於學問此病何日而愈耶

陽證治驗

南省參議官常德甫至元甲戌三月間赴大都路感傷寒証勉強至真定館於常參議謀家遷延數日病不瘥總府李經歷并馬錄事來求治予往視之診得两手六脉沉數外證却身涼四肢厥逆發斑微紫見於皮膚唇及齒齦破裂無色咽乾聲啞點匕欲眠目不能開精神鬱冒反側不安此證乃熱深厥變成孤感其證最急詢之從者乃曰自內丘縣感冒頭痛身軀拘急發熱惡寒醫以百

解散發之汗出浹背殊不解每經郡邑治法一同發汗極多遂至
如此予詳其說兼以平昔背梁積熱於內已燥津液又兼發汗過
多津液重竭因轉屬陽明故大便難也急以大承氣湯下之得大
便再用黃連解毒湯病減大半復與黃連犀角湯數日而安自此
德甫交情愈厚也

除寒門

上焦寒

鐵刷湯治積寒痰飲嘔吐不止胸膈不快不下飲食

半夏

四錢湯泡

草薢寇

丁香

乾薑炮

呵子皮

各三錢

生薑

一兩

右六味以咀水五觔煎至二觔半去粗分三服無特大吐
不止加附子三錢生薑半兩

桂附丸療風邪冷氣入乘心絡臟腑暴感風寒上乘於心令人卒然心痛或引背脊乍寒乍熱經久不差

川烏炮去皮臍 黑附炮各三兩去皮臍 乾薑炮 赤石

脂 川椒去目微炒 桂各二兩去皮

右六味為末蜜丸如桐子大每服三十九溫水送下覺至痛處即止若不止加至五十九以愈為度若早服無所覺一至午時再服二十九若久心痛服至一劑終身不發

胡椒理中丸治脾胃虛寒咳嗽喘急嘔吐痰水

胡椒 甘草 欒冬花 雞撥 良薑 細辛

陳皮 乾薑各四兩 白朮五兩

右九味為末煉蜜丸如桐子大每服三十九至五十九溫湯或溫酒米飲任下

中焦寒

附子理中丸治脾胃冷弱心腹疼痛嘔吐瀉利霍亂轉筋冰冷微汗手足厥冷心下逆冷滿悶腹中雷鳴飲食不進及一切沉寒痼冷並皆治之

人參

白朮

乾薑炮

甘草炙

附子

炮各等分

右五味為末蜜丸每兩作十九丸每服一九水一觔化破煎至七分稍熱服食前

二氣丹助陽退陰正氣和中治內虛裏寒冷氣氣攻擊心脇腹滿刺痛泄利無度嘔吐不止自汗時出小便不禁陽氣漸微手足厥冷及傷寒陰証霍亂轉筋久下冷痢少氣羸困一切虛寒痼冷

硫黃一分

肉桂一分

硃砂為衣二錢

乾薑炮二錢

黑附子

大者一箇去皮脐炮製半兩

右研勻水麪糊為丸如桐子大每服三十九空心煎艾湯送下

大建中湯療內虛絕裏急少氣手足逆冷小腹攣急或腹滿弦急不能食起即微汗陰縮或腹中寒痛不堪勞唇口乾精自出或手足乍寒乍熱而煩冤酸疼不能久立多夢寐補中益氣

黃芪

當歸

桂心

芍藥

人參

甘草

草各一錢

半夏

炮焙

黑附

炮去皮各二錢半

右八味咬咀每服五錢水二觔薑三片棗二箇煎至一觔去滓食前溫服

下焦寒

八味丸補腎氣不足

牡丹皮

白茯苓

澤瀉

各三兩

熟地黃

八兩

山

茱萸

山藥各四兩

附子

官桂各二兩

黃芩

右為末煉蜜丸如桐子大每服三十九溫酒下空心食前

日二服

還少丹大補心腎脾胃治一切虛損神志俱耗筋力頓衰腰脚沉

重肢躄倦怠血氣羸乏小便溷濁

山藥

牛膝

酒浸

遠志

去心

巴戟

去心

山茱萸

核去

白茯苓

去皮

楮實

五味子

肉蓯蓉

酒浸一宿

杜仲

去皮薑汁酒同炒去絲

石菖蒲

舶上茴香

已上各一兩

枸杞

熟地黃

各二兩

右為末煉蜜同聚膏為丸如桐子大溫酒鹽湯任送下三

十丸日進三服食前五日後有力十日精神爽半月氣力

頗壯二十日目明一月夜思食冬月手足常暖久服身軀

輕健筋骨壯盛悅澤難老更看身候加減身熱加山梔子
一兩心氣不寧加麥門冬一兩少精神加五味子一兩陽
弱加續斷一兩常服牢牙永無瘡癰婦人服之姿容悅澤
暖子宮去一切病

天真丹治下焦陽虛

沉香

穿心巴戟

酒浸

茴香

炒

萆薢

酒浸炒

胡芦

芭炒香

破故布

炒香

杜仲

麩炒去絲

琥珀

黑牽

牛

鹽炒去鹽各一兩

官桂

半兩

右十味為末用浸酒打糊為丸桐子大每服五十丸空心

溫酒送下鹽湯亦得

氣分寒

桂枝加附子湯治太陽病發汗遂漏不止其人惡風小便難四肢

微急難以屈伸者宜服之

桂枝 去皮

為藥各一兩半

甘草 一兩炙

附子 用半箇

右剉如麻豆大每服五錢生薑四片棗子一枚水一觥半
煮至八分去粗溫服

桂枝加芍藥生薑人參新加湯治發汗後身疼痛脉沉遲者以主
之

桂枝

人參各一兩半

芍藥 二兩

甘草 一兩炙

右剉如麻豆大每服五錢生薑四片棗子一枚水一觥半
煮至八分去滓溫服

血分寒

巴戟丸治肝腎俱虛收斂精氣補真戢陽充悅肌膚進美飲食

白朮

五味子

川巴戟 去心

茴香 炒

熟地黃

肉蓯蓉 酒浸

人參

覆盆子

虎絲子 酒浸

牡蠣

益智仁

骨碎補

白龍骨 各二兩

右十三味為末蜜丸桐子大焙乾每服三十九食前米飲

下日三服

神珠丹治下焦元氣虛弱小腹疼痛皮膚燥澀小便自利病機云
澄澈清冷皆屬於寒此之謂也一名離珠丹

杜仲 二兩炒

草薢 二兩

呵子 五箇

龍骨 一兩

破故

紙 三兩炒

胡桃仁 一百二十箇

巴戟 二兩

砂仁 半兩

硃砂 一錢另研

右九味為末酒糊丸桐子大硃砂為衣每服三十九空心
溫酒或鹽湯送下氣不化小便不利濕肌潤滑熱蒸陰少
氣不化氣走小便自利皮膚燥澀為迫津液不能停離珠

丹主之弦數者陽陷於內從外而之內也弦則帶數甲終於甲也緊則帶洪壬終於丙也若弦證則無火細則有水此二脉從內之外也不宜离珠丹

通治三焦甚寒之氣

大已寒丸治臟腑虛寒心腹疔痛泄瀉腸鳴自利自汗米穀不化手足厥冷

真糖

肉桂各六兩半

乾薑

良薑各十兩

右為末麪糊丸如桐子大每服二十粒米飲湯下食前服四逆湯治傷寒自利不渴嘔噦不止或吐利俱發小便或澀或利或汗出過多脉微欲絕腹滿手足逆冷及一切虛寒逆冷並宜服之

甘草炙二兩

乾薑一兩半

附子生去皮臍細切半兩

右咬咀每服三錢水一觥半煎至八分去粗溫服不計時

陰證治驗

至元己巳六月予住夏於上都僉院董彥誠年踰四旬因勞役過甚煩渴不止極飲渾乳又傷冷物遂自利腸鳴腹痛四肢逆冷冷汗自出口鼻氣亦冷六脉如蛛絲時發昏憤衆大醫議之以葱熨臍下又以四逆湯五兩生薑二十片連鬚葱白九莖水三升煮至一升去粗涼服至夜半氣溫身熱思粥飲至天明而愈玉機真臟論云脉細皮寒氣少泄利飲食不入此謂五虛漿粥入胃則虛者活信哉曾齋許先生聞之嘆曰病有輕重方有大小治有緩急僉院之證非大方從權急治則不能愈也至真要大論云補下治下制以急急則氣味厚此之謂也

陰氣有餘多汗身寒

真定府武德鄉年四十六歲至元丙子三月間因憂思勞役飲食失節得病肢體冷口鼻氣亦涼額上冷汗出時發昏憤六脉如蛛絲一醫作風證欲以宣風散下之予因思錢氏小兒論制宣風散謂小兒內傷脾胃或吐或瀉久則風邪陷入胃中而作飧泄散中有結恐傳慢驚以宣風散導去風邪內經云久風為飧泄正此謂也今德鄉形證乃陰盛陽虛苦寒之劑非所宜也內經云陰氣有餘為多汗身寒又陰陽應象論云陰盛則身寒汗出身常冷戰慄而寒寒而厥調經篇亦云陰盛生內寒岐伯曰厥氣上逆寒氣即於胸中而不泄不泄則積氣之矣獨留故寒中東垣解云此脾胃不足勞役形骸中焦營氣受病已傳寒中惟宜補陽遂以理中湯加黑附子每服五錢多用葱白煎羊肉湯取清汁一大觥調服之至夕四服漸溫汗出少夜深再服翌日精神出六脉生數服而愈

嘗記李思順云證者證也病狀於中證形於外凡學醫道不著內經不求病源妄意治證又執其方此皆背本趣末之務其誤多矣宜慎思之

衛生寶鑑卷之六終